

Mexican. primodicti Ordinis consentientis, ita absoluto Dominio independentem a quocumque Superiore jurisdictionem, auctoritatemque sibi huic usque usurparunt, ut omnino ab illa omnes primodicti Ordinis Prælatos contra quorundam Romanorum Pontificum Prædecessorum nostrorum literas cum vilipendio rejecerint. Minister siquidem prædictus præsumit concedere, & de facto dat habitus tertii Ordinis hujusmodi iis, qui in illum recipiuntur, illosque pro libitu suo commutat, absque eo quod ejusdem tertii Ordinis Visitator per Ministrum Provinciale primodicti Ordinis Apostolica auctoritate ad hoc munus deputatus, ullatenus valeat talem habitum præstare in tantum, ut si ad hanc functionem facultas, vel mandatum in scriptis a tali Ministro exhibendi alicui habitum non præcedat, & Visitator dicti Ordinis illum exhibeat, id irritum, & nullum a Ministro, & Officialibus præfatis censetur, novitiusque habitu spoliatur. Præterea iidem Officiales proventuum, qui ex oblationibus, funeribus, atque habitibus pro defunctis proveniunt, & ad summam centum piastarum monete illarum partium singulis septimanis ascendunt, rationem coram suo Visitatore, aut alio Superiore reddere nolunt; Quinimo in Registro ejusdem Congregationis scriptum reperitur, quod si quis dictæ Congregationis suum Visitatorem, Fratrem Guardianum Conventus prædicti, aut Ministrum Provinciale, aut Residentes Hispaniæ memorati Ordinis Fratrum Minorum de Observantia, tamquam verum spirituale Superiorem, vel in minima directione recognoverit, eo ipso sine mora habitu spoliatur, & a cæterorum consortio tamquam putridum ejusdem tertii Ordinis membrum expellatur.

§.3. Cum autem, sicut eadem expositio subjungebat, omnia præmissa tendant contra dispositionem literarum fel. recor. Martini V. quæ incipiunt: *Licet inter cætera Regularis observantia &c.* sub datum Romæ Pontificatus sui Anno X.; necnon Sixti IV., quarum initium: *Romani Pontificis Providentia circumspècta &c.* de Anno 1471., in quibus inter alia confirmavit Literas recol. mem. Innocentii Papæ IV. Prædecessoris pariter nostri super hac reditas, ac Nicolai IV. Romanorum Pontificum Prædecessorum pariter nostrorum, quæ incipiunt: *Unigenitus Dei Filius*, sub Datum apud Urbem Veterem 6. Idus Augusti Pontificatus ipsius Nicolai Prædecessoris Anno tertio, respectively emanatarum per quas omnes personæ dicti Ordinis de Pœnitentia submituntur obedientiæ, correctioni, & directioni Ministrorum Generalium, & Provincialium pro tempore existentium dicti Ordinis Minorum de Observantia, ita quod possint easdem personas Tertii Ordinis hujusmodi corrigere, & delinquentes castigare ad oblationem habitus, seu mantelli procedendo, similiterque prædictis Ministris memorati Ordinis Fratrum Minorum de Observantia nuncupa-

torum facultas conceditur præstandi illis, quos idoneos viderint habitum tertii Ordinis prædicti, necnon assignandi, & deputandi pro ipsis Tertiaris unum Religiosum virum de eadem observantia in Visitatorem, & instructorem ipsorum: Nobis propterea idem Bartholomeus Procurator Generalis humiliter supplicari fecit, ut in præmissis opportune providere, de benignitate Apostolica dignaremur.

§.3. Nos igitur dictum Bartholomeum specialibus favoribus, & gratis prosequi volentes, & a quibusvis excommunicationis, suspensionis, & interdictionis, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus exsistit, ad effectum præsentium dumtaxat consequendum, harum serie absolventes, & absolutum fore consentens, hujusmodi supplicationibus inclinari, de Venerabilium Fratrum nostrorum Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositorum, consilio, attentis narratis, præfatas Bullas Pontificias, necnon Constitutiones Ordinis hujusmodi servari, auctoritate Apostolica, tenore præsentium præcipimus, & mandamus, salva semper in præmissis auctoritate Congregationis eorumdem Cardinalium.

§.4. Decernentes easdem præfatas Literas firmas, validas, & efficaces existere, & fore, ac illis, ad quos spectat, & pro tempore spectabit, plenissime suffragari; Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

§.5. Quocirca Venerabili Fratri Archiepiscopo Mexican., seu dilecto filio Officiali Mexican. per præfentes committimus, & mandamus, ut ubi, & quando, & quoties pro parte interessentium fuerit requisitus, præfentes Literas, & in eis contenta quæcumque solemniter publicans illisque efficacis defensionis præsidio assistens, faciant auctoritate nostra easdem, præfentes Literas inviolabiliter observari, illosque ad quos spectat, & pro tempore spectabit earum effectu pacifice frui, & gaudere: Non permittentes illos indebite in præmissis molestari, contradicentes quoslibet, & rebelles per censuras Ecclesiasticas, aliaque opportuna juris, & facti remedia appellatione postposita compescendo, legitimisque super his habendis servatis processibus sententias, censuras, & pœnas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.6. Non obstantibus præmissis, ac Constitutionibus, & Ordinationibus Apostolicis, necnon quatenus opus sit tertii Ordinis, ejusque Congregationis hujusmodi, etiam

Bullas Prædecessorum Pontificum circa subjectionem Tertii Ordinis S. Francisci de Pœnitentia in observantia mandata observari.

Decretum irritans.

Præfentes literas publicari præcipit Archiepiscopi Mexicani.

Contrariis derogat.

etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

Dat. die 18. Julii 1657. An. III.

Datum Romæ apud S. Mariam Majorem sub Annulo Piscatoris, die 28. Julii 1757. Pontificatus nostri Anno III.

CLXII.

Ex Regest. in Secret. Breve.

Commissio Legato Urbinaten. super transmissione Bibliothecæ Ducis Urbini ad Urbem, ad hoc, ut libri hujusmodi in Bibliotheca Vaticani collocentur, ibique perpetuo, retento Bibliothecæ Ducis Urbini vocabulo, custodiantur.

Dilecto filio nostro Aloysio titulus Sancti Alexii S. R. E. Presbytero Cardinali Homodeo nuncupato nostro, & Apostolicæ Sedis in Civitate, & Ducatu Urbinaten. de latere Legato.

ALEXANDER PAPA VII.

Dilecto filii nostri salutem, & Apostolicam benedictionem.

Commissio Legato Urbinaten. super transmissione Bibliothecæ Ducis Urbini ad Urbem.

§.1. Innotuit Nobis, quod dudum bonem. Franciscus Maria postremus dum vixit Urbini Dux in suo ultimo, sub cuius dispositione ab humanis decessit Testamento, dilectis filiis Communitati, & hominibus Civitatis Urbinaten. Bibliothecam librorum manuscriptorum, quam ibidem habebat, necnon graphides, seu delineationes in Bibliotheca Castri Durantis existentes legavit, & campum, quem ab illis de Gallis emerat, in dicta Civitate positum, aliaque prædia illi contigua, seu vicina, quæ possidebat, eisdem Communitati, & hominibus reliquit, ad hoc, ut ipsi ex prædictorum hujusmodi fructibus provisionem Deputato, qui curam dictæ Bibliothecæ legatæ haberet, præstarent, ac insuper expresse prohibuit, ne eadem Bibliotheca a loco, ubi tunc erat unquam amoveretur, vel auferretur, neque vel unico volumine diminueretur; & in casum contraventionis ipsam Bibliothecam Confraternitati Sanctissimi Crucifixi de Crypta nuncupat. Urbinaten. applicavit, & cessit, quodque postea cum dicta Bibliotheca processu temporis ex eo, quod Communitas, & homines prædicti, quibus ex prædictis nihil fere fructuum provenit, illam tuendi modo destituti fuerant, deterior valde facta reperiebatur, memorata Confraternitas locum substitutionis ad sui favorem esse præstendens die 4. Aprilis proxime præteriti, seu alio veriori tempore litem coram dilecto pariter filio Prætere, seu Potestate Urbinaten. contra dictos Communitatem, & homines intentavit, protestationemque emisit ex supposito quod iidem Communitas, & homines de venditione Bibliothecæ, & graphidum, seu delineationum prædictarum, aut illarum partium tractassent; Quinimo die 27. ejusdem mensis instituit pro electione virorum, qui libros dictæ Bibliothecæ legatæ cum illorum inventario committerent, & forsitan ad alios judiciales, vel extrajudiciales actus processit. Quapropter Nos ne Bibliotheca prædicta in loco, ubi nunc malum in statum redacta, & magna ex parte a blatis rosa reperitur, successu temporis, attentio, quod memorati Communitas, & homines illam instaurare, & tueri præ inopia non valeant, sensim absumatur, sed ut reparetur, & memoria præstantissimorum, & clarissimorum toga, & sago ex familia Roboreæ Principum Urbini Ducum, qui magis labore, & industria libros, & scripturas Bibliothecæ hujusmodi collegerunt, ut par est conservetur, simul etiam, ut mentem, & voluntatem memorati Francisci Mariæ Ducis, quem perpetuæ conservationi, & decori dictæ Bibliothecæ studuisse, sicque de præmissis cogitasset opportunum desuper remedium adhibiturum fuisse verisimile, est, suppleamus, eandem Bibliothecam in tutiori, celebriorique loco in Bibliotheca similiter nostra Vaticana reponendam esse decrevimus, ac hujus rei Communitatem, & homines prædictos fecimus certiores, qui publico generalis eorum consilii decreto professi sunt, se voluntati nostræ hujusmodi prompto obsequio morem gerere paratos esse. Itaque Testamenti, Decreti prædictorum tenores etiam veriores, necnon litis, seu causæ hujusmodi statum, & merita, nominaque, & cognomina Judicum, & colligantium, & alia etiam speciali expressione digna, præsentibus pro plene, & sufficienter expressis habentes, motu proprio, ac ex certa scientia, & matura deliberatione nostris, deque apostolicæ potestatis plenitudine harum serie circumspèctioni tuæ injungimus, ut litem, & causam prædictam in statu, & terminis in quibus ad præfens reperitur, seu quando præfens executioni demandandis, reperietur, a prædicto Prætere, seu Potestate, & aliis quibusvis Judicibus ad te auctoritate nostra apostolica avoces, illamque perpetuo suppressas, & extinguas, ac utrique parti perpetuum desuper silentium eadem auctoritate imponas.

§.2. Præterea Bibliothecam librorum manuscriptorum, ac graphides, seu delineationes dictis Communitati, & hominibus, a memorato Francisko Maria Duce sicut præmittitur, Legatos, ad Almam Urbem nostram sumptibus Cameræ nostræ Apostolicæ quantocitius fieri poterit conducere, & libri hujusmodi in Bibliotheca nostra Vaticana in loco separato, & conspicui.

Bibliothecam prædictam in Bibliotheca Vaticana reponi jubet.

Edificium. & beneficia & pradia praedictorum hominum conservari mandet.

Decretum istius.

spicuo cum ornamentis congruis, & insignibus gentilitiis familiae Roboreae collocentur, ibique ad perpetuam nominis, & gloriae ejusdem familiae conservationem, & rento Bibliothecae Ducum Urbini vocabulo perpetuis futuris temporibus custodiantur.

§.3. Demum aedificium, seu locum in quo Bibliotheca, ac graphides, seu delineationes nunc in praedicta Civitate collocatae sunt, necnon Campum, & pradia supra dicta de cetero in dominio, & potestate memoratorum Communitatis, & hominum absque ullo onere remanere debere, perinde ac si dictae Bibliothecae, & graphides, seu delineationes ibidem juxta dicti Francisci Mariae Ducis voluntatem ab ipsis Communitate, & hominibus perpetuo conservarentur, dicta auctoritate decernas, & declares: Nos enim quaecumque necessariam, & opportunam in praemissis facultatem tibi motu, scientia, deliberatione, & potestatis plenitudine paribus tribuimus, & impertimur.

§.4. Decernentes easdem praesentes literas, & in eis contenta quaecumque, etiam ex eo, quod Officiales, & Confratres Confraternitatis praedictae, & alii quilibet etiam speciali nota, & expressione digni in praemissis jus, vel interesse habentes, seu habere quomodolibet praetendentes illis non consenserint, nec ad ea vocati, & auditi, neque causa propter quas ipsae praesentes emanarunt, adductae, verificate, vel justificate sufficienter fuerint, aut ex alia quacumque quantumvis pia, legitima, & privilegiata causa, colore, praetextu, & capite, etiam in corpore juris clausa, etiam enormis, enormissima, & totalis laesionis nullo unquam tempore de subreptionis, vel obreptionis, aut nullitatis vitio, vel intentionis nostrae, seu interesse habentium consensus, aut alio quolibet quantumvis magno, & substantiali, ac individuum expressionem requirente defectu notari, impugnari, invalidari, restringi, in jus, vel controversiam revocari, aut adversus illas a perditionis oris, restitutionis in integrum, aut aliud quodcumque juris, facti, vel gratiae remedium impetrari, seu impetrato, aut etiam motu simili concessio quempiam in iudicio, vel extra illud uti, seu se juvare posse, sed easdem praesentes semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari: Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, & alios quoscumque quavis auctoritate, & potestate fungentes, & quodcumque functiones, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§.5. Non obstantibus litis pendente hujusmodi, aliisque praemissis, necnon praedicti Francisci Mariae Ducis etiam ultima voluntate, quam circa praemissa, & praecipue ubi Confraternitatem praedictam memoratis Communitati, & hominibus in legato, seu fidei commissio Bibliothecae, ac graphidum, seu delineationum praedictarum substituit, sufficienter, & expresse commutamus, & quatenus opus sit nostra, & Cancellariae Apostolicae regula de non tollendo jure quaesito, & fel. rec. Pii Papae IV. Praedecessoris nostri de gratiis quaecumque interesse dictae Camerae concernentibus in illa intra certum tempus praesentandis, & registrandis, itant praesentes ibidem praesentari, vel registrarum nunquam necesse sit, & aliis Constitutionibus, & Ordinationibus Apostolicis etiam Conciliaribus, legibus quoque etiam imperialibus, & municipalibus, necnon dictarum Civitatis, & Confraternitatis, ac aliis quibusvis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indulgentiis, & Literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis in genere, vel in specie, ac aliis in contrarium praemissorum quomodolibet concessis, confirmatis, & innovatis. Quibus omnibus, & singulis, etiam si pro sufficienti eorum derogatione, de illis, eorumque totis tenoribus, specialis, specifica, expressa, & individua, ac de verbo ad verbum non autem per clausulas generales, idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores praesentibus pro plene, & sufficienter expressis, ac de verbo ad verbum insertis habentes, illis aliis in suo robore permansuris ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§.6. Ceterum eisdem Communitati, & hominibus nomine nostro significabis, Nos quo ipsos ingenti, ut accepimus, aeris alieni mole obrutos paterna charitate sublevemus, summam decem millium scutorum monetam in extinctionem tot locorum, montium quibus dicta Civitas Urbini onerata reperitur convertendum eis praestari mandatuos, prout in Chirographo nostro desuper expediendo declarabitur.

Datum Romae apud S. Mariam Majorem sub Annulo Piscatoris die 7. Augusti 1657. Pont. nostri Anno III.

Contraria refellit.

Pro extinctione aeris alieni 10. millium scutorum summam Civitati Urbinae praestari mandat.

Dat. die 7. Aug. 1657. An. III.

Prohi.

Prohibitio extrahendi paramenta &c. pro omnibus Ecclesiis Monachorum Congregationis Coelestinorum.

ALEXANDER PAPA VII.

Ad futuram rei memoriam.

Procurium.

Conservationi, & manutentioni ornamentorum, & paramentorum Ecclesiarum omnium, & singulorum Monasteriorum totius Congregationis Coelestinorum Ordinis S. Benedicti ubique existentium quantum cum Domino possumus benigne consulere, ac dilectum filium modernum dictae Congregationis Abbatem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequentium serie absolventes, & absolutum fore sententes, supplicationibus praedicti Abbatis Generalis nomine nobis super hoc humiliter porrectis inclinati.

Prohibitio extrahendi paramentorum ex omnibus Ecclesiis Monachorum Congregationis.

§.1. Ne de cetero quisquam quavis auctoritate, superioritate, & officio fungens Vasa, Calices, Candelabra, lampades, & alia Paramenta, & Ornamenta, necnon quaecumque suppellectilem sacram nunc, & in futurum quodcumque ad Ecclesias praedictas spectantem, & spectantia & spectantem aliis Ecclesiis, Monasteriis, Locis Piiis, seu quibusvis commodare, aut sub quovis quaesito colore, ingenio, causa, ratione, aut occasione ex quacumque dictarum Congregationis hujusmodi Ecclesiarum, seu illarum Sacristiis extrahere, & asportare, seu ut commodentur, aut extrahantur, & asportentur, permittere, aut consentire audeat, seu praesumat sub excommunicationis latae sententiae, a qua nemo, nisi a nobis, & pro tempore existente Romano Pontifice, praeterquam in mortis articulo constitutus absolutionis beneficium obtinere possit, ac privationis vocis activa, & passiva poenis per contrahentes eo ipso absque alia declaratione incurrendis auctoritate Apostolica tenore praesentium interdicimus, & prohibemus.

Contrariis derogat.

§.2. Non obstantibus Constitutionibus, & Ordinationibus Apostolicis, ac Monasteriorum, & Congregationis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque. Volumus autem, quod praesentis prohibitionis copia in valvis singularum cujusvis Ecclesiae, & Monasteriorum hujusmodi Sacristiarum, vel alio conspicuo loco, quo ab omnibus cerni possit, continuo affixa remaneat. Quodque praesentium transumptis etiam impres-  
manu alicujus Notarii publici subscri-

ptis, & sigillo personae in dignitate Ecclesiastica constitutae munitis eadem prorsus fides adhibeatur, quae praesentibus adhiberetur, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris, die 20. Augusti 1657. Pontificatus nostri Anno III.

Dat. die 20. Aug. 1657. An. III.

Erectio Custodiae Brasiliae Ordinis Minorum S. Francisci de Observantia Reformatorem in Provinciam.

Ex Regest. in Secret. Brav.

ALEXANDER PAPA VII.

Ad perpetuam rei memoriam.

EX commissi Nobis divinitus pastoralis officii debito ad ea propensis studiis jugiter intendimus, per quae Regularium personarum, quae relicto seculo Dei obsequiis sub suavi arctioris religionis jugo sese manciparunt, statui, & felici directioni consulitur ut secundum Ordinum suorum instituta, gratum Altissimo impendentes, famulatum prosperioribus in dies in vinea Domini proficiant incrementis.

Esordium.

§.1. Nuper siquidem nomine dilectorum filiorum Fratrum Custodiae Brasiliae Ordinis Fratrum Minorum S. Francisci de Observantia Reformatorem nuncupatorum Nobis expositum fuit, quod alias postquam die 14. Augusti 1647. quo tempore quondam Joannes de Neapoli dicti Ordinis Minister Generalis erat, ad ejusdem Joannis instantiam Custodia praedicta a Provincia S. Antonii Regni Portugalliae ejusdem Ordinis, longissimi maritimi itineris, quo Custodia hujusmodi a Regno praefato distat, aliisque incommodis occurrerit ergo per quosdam literas Apostolicas in simili forma Brevis expedita separata, & subinde intra breve tempus aliquot Conventibus aucta fuerat, in Capitulo Generali memorati Ordinis de anno 1651. in hac alma Urbe celebrato stabilitum fuit, ut Custodia hujusmodi, reservato tamen hujus S. Sedis beneplacito, in novam Provinciam dicti Ordinis erigeretur, sed id propter nonnullas oppositiones, seu objectiones ad effectum deduci haecenus non potuit, quinimo a quadam privata persona alia Litera in forma Brevis similiter expedita super reunionem ejusdem Custodiae cum Provincia praedicta ab eadem Sede impetratae fuerunt.

Supplicatio.

§.2. Cum autem, sicut eadem expositio subjungebat, oppositiones, seu objectiones praedictae jam cessent, & Fratres dictae Provinciae S. Antonii capitulariter congregati juri, quod super Custodia praedicta praetendere poterunt, renunciaverint, Conventus ejusdem Custodiae, qui post ingressum haereticorum in Brasiliam extincti fuisse praetendebantur, illis inde egressis septemdecim numero, qui numerum Conventuum nonnullarum Provinciarum Ordinis

dinis præfati excedit, restituti fuerint; Cumque si dicta Custodia in novam Provinciam juxta consensum ei rei a præfato Capitulo Generali, ut præmittitur, præstitum erigatur, id nemini præjudicium sed maximam prospero Conventuum ipsius Custodie gubernio utilitatem sit allaturum; Nobis propterea dicti exponentes humiliter supplicari fecerunt, ut sibi in præmissis opportune providere, & ut infra, indulgere, de benignitate apostolica dignaremur.

Instituit Provinciam Custodiam Brasiliam Ordinis Minorum

§.3. Nos igitur specialem eisdem exponentibus gratiam facere volentes, & eorum singulares personas a quibusvis excommunicationis, & suspensionis, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum harum serie absolventes, & absolutos fore censentes, hujusmodi supplicationibus inclinati, Custodiam Brasiliæ hujusmodi, ejusque Conventus a dicta Provincia S. Antonii Regni prædicti, auctoritate apostolica, tenore præsentium perpetuo separamus, & dismembramus, ac ipsam Custodiam, & ejus Conventus præfatos sic separatos, & dismembratos in novam Provinciam Ordinis prædicti cum omnibus, & singulis præminentibus, prærogativis, indultis, privilegiis, & gratiis, quibus alia ejusdem Ordinis Provincie frui, & gaudere solent, & possunt, ac debent, auctoritate, & tenore prædictis itidem perpetuo erigimus, & instituimus.

Decretum irritans.

§.4. Decernentes easdem presentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contraria solita.

§.4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, Ordinis, Provincie, Custodie, & Conventuum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Dat. die 24. Aug. 1657. An.III.

Datum Romæ apud Sanctam Mariam Majorem, sub Annulo Piscatoris, die 24. Augusti 1657. Pontificatus Nostri Anno Tertio.

Hortatorium Governatori Belgii, ne alios quam sanæ doctrinæ professores ad loca vacantia Collegii stricti facultatis Theologicæ Lovaniensium assumi sinat.

Ex Regest. in Secret. Brev.

Dilecto filio nobili viro Joanni ab Austria Governatori Belgii.

ALEXANDER PAPA VII.

Dilecte fili nobilis vir salutem, & apostolicam benedictionem.

CUM sicut Nobis innotuit in Universitate Studii generalis Oppidi Lovaniensium vacent tria loca Collegii facultatis Theologicæ, quod strictum vocant, & ad loca sic vacantia alii propediem assumendi sunt; Nos perpentes, quantum fidei Catholicæ interfit, eos solummodo, qui sanæ sint doctrinæ in illud Collegium admitti, nobilitatem tuam enixe rogamus, & in Domino hortamur, ut pro ea, qua istic polles auctoritate, neminem, qui sanam, & orthodoxam doctrinam non profiteatur, ad memorata loca vacantia assumi sinas. In quo rem spectatissimo tuo Catholicæ religionis studio dignam, Nobisque longe gratissimam facies. Et nobilitatem tuam iterum apostolica benedictione peramanter impertimur.

Hortare Governatorem Belgii, ut tantum sanos professores in Collegio Lovaniensi assumat.

Datum Romæ apud S. Mariam Majorem sub Annulo Piscatoris, die 25. Augusti 1657. Pont. nostri Anno III.

Dat. die 25. Aug. 1657. An.III.

CLXVI.

Prohibitio extrahendi Libros Bibliothecarum omnium, & singularum Domorum Fratrum Ordinis Minorum Sancti Francisci de Paula totius Provincie Neapolitanæ.

Ex Regest. in Secret. Brev.

ALEXANDER PAPA VII.

Ad futuram rei memoriam.

§.1. Conservationi, & manutentioni Librorum Bibliothecarum omnium, & singularum Domorum Fratrum Ordinis Minorum S. Francisci de Paula totius Provincie Neapolitanæ, quantum cum Domino possumus, benigne consulere, ac dilectos filios modernos dictarum Domorum Ordinis hujusmodi, Correctores, & Fratres specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque eccl. sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati,

Prohibet extrahendum librorum Bibliothecarum Fr. Ord. Minorum Sancti Francisci de Paula Prov. Neapol.

ti, ne de cætero quisquam quavis auctoritate, superioritate, aut officio fungentes libros, quinterna, folia, scripturas, tam impressa, quam manuscripta dictis Bibliothecis donata, & assignata, quam imposterum forsitan donanda, & assignanda quibusvis personis commodare, aut sub quovis quæsito colore, ingenio, causa, ratione, ac occasione extrahere, & asportare, seu ut commodentur, aut extrahantur, & asportentur permittere, aut consentire audeat, seu præsumat sub excommunicationis late sententiæ, ac privationis vocis activæ, & passivæ poenis per contrafacientes eo ipso absque alia declaratione incurrendis, apostolica auctoritate, tenore præsentium interdicimus, & prohibemus.

Transumptum fides.

§.2. Non obstantibus Constitutionibus, & Ordinationibus Apostolicis, cæterisque contrariis quibuscumque.

§.3. Vol. autè, ut presentis prohibitionis copie in valvis Bibliothecarum, seu alio conspicuo loco, quo ab omnibus cerni possint continuo affixæ remaneant, quodque præsentium transumptis, seu exemplis, etiam impressis, manu alicujus Notarii subscriptis, & sigillo personæ in ecclesiastica dignitate constitute munitis, eadem prorsus fides ubique tam in iudicio, quam extra illud adhibeatur, quæ ipsis presentibus adhiberetur, si forent exhibitæ, vel ostensæ.

Dat. die 5. Sep. 1657. An.III.

Datum Romæ apud Sanctam Mariam Majorem sub Annulo Piscatoris die quinta Septembris 1657. Pontificatus nostri Anno Tertio.

CLXVII.

Ex Regest. in Secret. Brev.

Facultates Episcopo Marianen., & Accien. circa peste infectos, & suspectos.

Ven. Fratri Episcopo Marianen. & Accien.

ALEXANDER PAPA VII.

Ven. Frater salutem, & apostolicam benedictionem.

Peste infectis plenaria peccatorum indulgentiam impenditur & animas defunctorum a poenis purgatorij liberat.

§.1. CUM sicut nobis nuper exponi fecisti, in aliquibus istius Insule Corsicæ locis pestis grassari cœperit, tuque metuas, ne illius contagione, etiam Civitates, & Dioceses tuæ Marianen., & Accien. invicem canonicè unitæ inficiantur, & propterea tuorum Diocesano, quos peste (quod Deus avertat) infici contigent, eisque opem, & auxilium pro tempore præstantium spirituali consolationi per Nos consuli summopere desideres; Nos pastoralem sollicitudinem tuam, plurimum in Domino commendantes, & pio desiderio tuo hac in parte annuere volentes, de Omnipotentis Dei Misericordia, ac Sanctorum Petri, & Pauli Apostolorum ejus auctoritate confisi, omnibus, & singulis utriusque sexus Christianis in Civitatibus, & Diocesis prædictis peste (quod abât) pro tempore infectis, & Presbyte-

ris, qui eis, seu de pestis hujusmodi infectione suspectis Ecclesiæ Sacramenta ministrabunt, ac Medicis seu Chirurgis, qui eisdem medebuntur, necnon omnibus illis, qui eis in eorum necessitatibus, ac obstetricibus, quæ mulieribus peste infectis, seu de ejus infectione suspectis in earum, partu assistent, necnon nutricibus, quæ eorumdem mulierum natos lactabunt, & illis, qui peste infectos, seu de ea suspectos hujusmodi ad hospitalia, seu Domunculas, aut alia loca ad eorum curam, seu gubernium destinata, seu destinanda conducent, seu deferent, illisque qui ex peste hujusmodi defunctorum corpora ad sepulturam deferent, aut ipsa sepelient, ac demum omnibus utriusque sexus Christianis eadem peste infectis, seu de illius infectione suspectis, cibum, potum, & alia eis necessaria ministrantibus, illosque visitantibus, consolantibus, illorumque curæ spirituali, aut corporali quoquo modo incumbentibus, & opera misericordie erga illos exercentibus, semel in hebdomada, si vere poenitentes, & confessi, ac Sacra Communione refecti, Coronam, seu tertiam partem Rosarii Beate Mariæ Virginis, aut septem Psalmos Poenitentiales recitaverint, Plenariam, præterea eisdem peste infectis in cujuslibet eorum mortis articulo, si similiter vere poenitentes, & confessi, ac Sacra Communione refecti, vel quatenus id facere nequiverint, saltem contriti, Nomen Jesu ore, si poterint, sin minus corde devote invocaverint, Plenariam omnium similiter peccatorum suorum Indulgentiam, & remissionem misericorditer in Domino concedimus, præterea defunctorum etiam Animabus opportuna de Theauris Ecclesiæ subsidia ministrare volent, etiam concedimus, ut quotiescumque aliquis Sacerdos, sive secularis, sive regularis Missam ad unum ex aliquot Altaribus per te ex Civitatibus, & Diocesis tuis prædictis designandis, durante contagione hujusmodi, pro cuiuscumque fidelis ex peste defuncti Animæ in Purgatorio existentis liberatione celebraverit, Anima ipsa de Theauro Ecclesiæ per modum Suffragii Indulgentiam consequatur, ita ut Domini Nostri Jesu Christi, ac Beatissimæ Virginis Mariæ, & Sanctorum meritis adjuncta Purgatorij poenis liberetur.

Peste infectos vel suspectos a peccatis absolvendi facultatem largitur.

§.2. Insuper Tibi quoscumque peste infectos, aut suspectos a quibuscumque peccatis, delictis, & censuris nobis, & Apostolicæ Sedi etiam per literas in die Coenæ Domini legi solitas reservatis in foro conscientie tantum absolvendi, & facultatem hujusmodi aliis Presbyteris secularibus, & cuiusvis Ordinis regularibus delegandi, necnon quoscumque etiam Clericos, & Presbyteros a quibusvis censuris, & poenis Ecclesiasticis per eos occasione curationis pestis dumtaxat incurris similiter absolvendi, & liberandi, ac cum eis super irregularitate per eos occasione ejusdem curationis pestis quomodolibet contracta dispensandi.

Contraria tollit.

pensandi, ac quorumcumque regularium opera, & ministerio absque ulla mora, tempore pestis etiam Superioribus non requisitis, pro servitio peste infectorum, utendi, facultatem dicta auctoritate tenore presentium concedimus, & impertimur.

§.3. Non obstantibus quatenus opus sit, nostra de non concedendis Indulgentiis ad instar, & quibusvis aliis Constitutionibus, & Ordinationibus Apostolicis, ac quibusvis etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Præsentibus ad tres menses proximos, & interim durante (quod absit) contagione tantum valituris.

Datum Romæ apud S. Mariam Majorem, sub Annulo Piscatoris, die 10. Septembris 1657. Pontificatus Nostri An. III.

Dat. die 10. Sept. 1657. An.III.

CLXVIII.

Ex Regest. in Secret. Brev.

Statuit, quod nemo de cætero in Electionibus Generalis Congregationis Canonorum secularium S. Joannis Evangelistæ in Portugallia, aliorumque Rectorum illorum Monasteriorum votum, seu suffragium per literas dare possit, sed in illis servari debeat dispositio Sacrorum Canonum.

ALEXANDER PAPA VII.

Ad futuram rei memoriam.

Locum.

§.1. EX commissi Nobis divinitus paternali studio incumbimus, & Religiosorum virorum Altissimi obsequiis sub suavi Religionis jugo mancipatorum Congregationis in Sacrorum Canonum observantia felicioribus in dies successibus prospereantur.

Motiva.

§.2. Cum itaque, sicut dilectus filius Procurator Generalis Congregationis Canonorum Regularium Sancti Joannis Evangelistæ in Portugallia Nobis nuper exposuit, ex veteri consuetudine in eadem Congregatione contra Sacrorum Canonum dispositionem hæcenus servatum fuerit, ut Canonici Regulares Congregationis hujusmodi a loco, ubi electiones Rectoris Generalis ipsius Congregationis, aliorumque Rectorum illius Monasteriorum, de triennio in triennio fieri solitæ pro tempore celebrabantur, absentes vota, seu suffragia sua literis inclusa, & obsignata cum nominatione personæ per eos electæ ad eundem locum mitterent, vota que, seu suffragia hujusmodi in dictis electionibus effectum haberent: Hinc est, quod Nos ab usum hujusmodi removere, dictumque Procuratorem Generalem specialibus favoribus, & gratis prosequi volentes, & a quibusvis excommunicationis, suspen-

sionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, neminem de cætero in electionibus prædictis votum, seu suffragium per Literas dare posse, sed in eisdem electionibus Sacrorum Canonum prædictorum dispositionem servari debere, auctoritate Apostolica, tenore presentium statuimus, & ordinamus.

Decretum irritans.

§.3. Decernentes eadem præsentibus Literas semper firmas, validas, & efficaces existere, & fore, ac ab omnibus, ad quos spectat, & pro tempore spectabit, perpetuo inviolabiliter observari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

§.4. Quocirca dilectis pariter filiis Francisco Nogueira, & Sebastiano Robeiro Giram Metropolitanæ Ecclesiæ Elboren. Canonicis, harum serie committimus, & mandamus, quatenus ipsi, aut unus eorum, per se, vel alium, seu alios, ubi, & quando opus fuerit, & quoties pro parte Congregationis prædictæ, ejusque Canonorum secularium, seu alicujus eorum fuerint requisiti præsentibus Literas solemniter publicantes, illisque in præmissis efficacis defensionis præsidio assistentes faciant auctoritate nostra ipsas præsentibus ab iis, ad quos, spectat, & quoquo modo spectabit in futurum inviolabiliter, & inconcusse observari. Contradictores quoslibet, & rebelles per censuras, & pœnas Ecclesiasticas, aliæque opportuna juris, & facti remedia, appellatione postposita compescendo, legitimisque super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contrarii derogat.

§.5. Non obstantibus præmissis, ac felic. recordationis Bonifacii PP. VIII. Prædecessoris nostri de una, & Concilii Generalis de duabus dietis, dummodo aliquis auctoritate presentium ultra tres dietas in judicium non trahatur, aliisque Constitutionibus, & Ordinationibus Apostolicis, necnon quatenus opus sit, dictæ Congregationis, ejusque Monasteriorum quorumvis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus,

Dat. die 10. Sept. 1657. An.III.

furis, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem, sub Annulo Piscatoris, die 10. Septembris 1656. Pontificatus Nostri Anno III.

CLXIX.

Facultas Inquisitori Melevitan. absolventi per se, vel alium, imposita poenitentia salutari eos, qui censuras incurserunt, quia Martinum de Redin Priorem Navarræ in Magnum Magistrum Hospitalis Sancti Joannis Hierosolymitani elegerunt contra decretum ipsius Inquisitoris.

Dilecto filio Magistro Julio de Oddis in utraque Signatura nostra Referendario, ac heretice pravitatis in Insula Meliten. Inquisitori auctoritate apostolica Deputato.

ALEXANDER PAPA VII.

Dilecte fili salutem, & apostolicam benedictionem.

Recente re-Instautione Magistri Julii de Oddis.

§.1. CUM sicut ex relatione tua cognovimus, Tu die 16. Augusti proxime præteriti dilectum filium Martinum de Redin tunc Priorem Prioratus Navarre Hospitalis S. Joannis Hierosolymitani ad electionem de ejus persona in Magnum Magistrum dicti Hospitalis faciendam inhabilitaveris, voceque activa, & passiva privaveris, ac omnibus, & singulis qui eum in Magnum Magistrum Hospitalis hujusmodi eligerent, seu electum recognoscerent, incursum in censuras in Sacris Canonibus, & Constitutionibus Apostolicis expressas denunciaveris, seu protestatus fueris, & aliis prout in decreto, seu literis tuis super hoc emanato, seu emanatis, cujus, seu quarum tenorem præsentibus pro plene, & sufficienter expresso haberi volumus, uberius continetur.

Abfolvit a censuris.

§.2. Nos eorum, qui in censuras præmissorum occasione forsitan incurserunt, seu incurrisse præteriti possent, statui, & conscientia securitati paternæ benignitate consulere volentes, discretionis tuæ per te, vel alium, seu alios a te deputandos, omnes, & singulos censuras hujusmodi quomodolibet innodatus, seu qui illis innodati esse præteriti quoquo modo possent, si hoc a te, vel ab aliis per te deputandis prædictis humiliter petierint, imposita eorum singulis tuo, vel eorumdem a te deputandorum arbitrio respective aliqua poenitentia salutari, a censuris prædictis in utroque foro, auctoritate nostra apostolica absolventi, & plenarie liberandi, illosque in pristinum, & eum in quo ante earundem censurarum incursum quomodolibet erant, statum, dicta auctoritate restituendi, reponendi, & Bull. Rom. Tom. VI. Par. IV.

reintegrandi quamcumque necessariam, & opportunam facultatem, eadem auctoritate tenore presentium tribuimus, & impertimur.

Contrarii derogat.

§.3. Non obstantibus præmissis, necnon Apostolicis, ac in Universalibus, Provincialibusque Conciliis editis generalibus vel specialibus Constitutionibus, & Ordinationibus, & quatenus opus sit, Hospitalis prædicti, etiam juramento, confirmatione apostolica, vel quavis firmitate alia roboratis statutis, & consuetudinibus, stabilimentis, usibus, & naturis, ac ordinationibus capitularibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Dat. die 10. Sept. 1657. An.III.

Datum Romæ apud S. Mariam Majorem sub Annulo Piscatoris die 15. Sept. 1657. Pontificatus nostri Anno III.

CLXX.

Pro Archiconfraternitate B. Mariæ de Suffragio Urbis, circa facultatem aggregandi Confraternitates ejusdem nominis, & instituti.

Hæc Archiconfraternitati quamplures Indulgentias concessit Clem. VIII. Constituit. Ex debito §.7. Tom.5. Par.2.

ALEXANDER PAPA VII.

Ad futuram rei memoriam.

EXponi Nobis nuper fecerunt dilecti filii Officiales, & Confratres Archiconfraternitatis Beate Mariæ de Suffragio pro animabus Purgatorii canonice institutæ de Urbe, quod dudum postquam eidem Archiconfraternitati a felic. rec. Clemente Papa VIII. Prædecessore nostro indultum aggregandi sibi alias Confraternitates concessum fuerat, rec. mem. Paulus Papa V. etiam Prædecessor noster supplicationibus tum existentium Officialium, & Confratrum Archiconfraternitatis hujusmodi nomine sibi super hoc humiliter porrectis inclinatus, per suas in simili forma Brevis die 22. Martii 1615. expeditas literas ipsis Officialibus, & Confratribus facultatem quidem aggregandi dictæ Archiconfraternitati quacumque Confraternitates ejusdem denominationis, & instituti etiam concessit, sed voluit, quod Confraternitates aggregandæ hujusmodi elemosynas pro Militibus pro defunctis accipere ullo modo nequirent, quodque de ejus voluntate hujusmodi in literis aggregationum pro tempore conficiendis specifica mentio fieri

Supplicatio.